



Vol. 8

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbsc.princeton.edu/policies/forms-citation>.

Citation Information


Vol. 8


Contact Information

Download Information

Date Rendered: 2019-10-06 02:15:43 AM UTC

Available Online at: <http://arks.princeton.edu/ark:/88435/p8418t51t>





C116/2911
V.8

婦女門

世人患病惟在氣血而已和平豈有病乎經云男子貴養氣女人宜調血殊為不知女人更宜養氣氣順則血行大凡婦人血不流暢多因鬱氣凝滯而不得宣通此必然之理也况太陰乃脾經之綱領脾為統血之源流脾虛不能運化其精微而血無所生經水自然不調或為赤白帶下或為經閉不通久而不孕孕而不育繇命



門火盛胎繫腐爛腰酸脇脹必致小產百般之病莫不
因此而生善治者不以去病為事專於養脾為主誠可
謂救時之良醫也必先節飲食戒氣怒減勞碌忘慾念
然後對症立方煎丸並用諸病悉皆除矣否則十有九
錯觀者勉之思之

女金丹

千金保胎丸

七製香附丸

勝金丹

滋陰至寶丸

益母草膏

養血安胎丸

婦科烏金丸

千金止帶丸

百補濟陰丸

當歸內補丸

通經甘露丸

十珍香附丸

四製香附丸

下乳湧泉散

八珍益母丸

艾附煖宮丸

內補養榮丸

調經丸

安胎益母丸

千金保胎膏

催生鬼腦丸

回生丹

坤順丹

佛手開骨散

加味逍遙丸

胎產金丹

秒製八珍母丸

產後烏金丸

產後益母丸

孕婦金花丸

益母丸

婦科五淋丸

女金丹

凡婦人經脉不調當行經時喜飲冷水好食瓜果以致氣血凝結變為經閉虛勞之症今愚修合此藥經脉不調養血安胎月事參差胎前產後諸虛百損腰痛耳鳴四肢酸困肚腹疼痛子宮虛冷崩漏帶下手脚頑麻癥瘕聚塊乾血勞傷一切百病並皆治之久服種子有驗此方女科中聖藥也每晨空心黃酒服

三錢白滾水亦可

當歸八兩白

芍四兩丹

皮四兩茯苓

苓四兩

赤石二兩黨

參八兩桂

心二兩白

朮四兩

白芷二兩膏

本二兩川

芎四兩元

胡四兩

沉香二兩香

附八兩白

薇一兩錢

沒藥一兩

共為細末用蜜為小丸

千金保胎丸

此藥治婦人胎動不安氣血虛弱不能榮養面黃肌瘦精神倦怠頭目眩暈四肢無力腰腿酸軟或胎漏下血寒熱往來胸膈不寬不思飲食恐動其胎最宜服之每服二錢滾白水送下大有效驗如神

七製香附丸

香附子乃女科調理氣血之藥治婦人血海空虛子宮受寒久無孕育斷續不產屢經墜胎上熱下冷百病滋生月水不調崩漏不止五色帶下腰腹酸疼面黃肌瘦或產後失調路胞絡太早久坐濕地涼風透入月水正行過食生冷傷動胎陰陽不和上焦虛陽壅燥下部邪冷結伏致胎孕不成飲食減少夜多盜汗

脚膝疼痛舉動少力並皆服之此藥大補氣血溫暖子宮清熱除濕兼理脾胃功效非常每服二錢空心溫黃酒送下白滾水亦可

香附三斤半一分酒洗以達其經絡一分醋洗開氣中之鬱消血中之瘀一分小茴香二兩水浸去茴香補陰腎一分童便浸之滋中之陰一分鹽水浸之清坎中之陽一分益母仁浸之補腎強志一分蘿蔔子

浸之開胃諸積氣以上照方製好共合一處為君

黨參八兩 茯苓十二兩 白朮八兩 橘紅八兩

當歸八兩 天冬八兩 益母十六兩 萸肉八兩

元胡八兩 阿膠八兩 艾草四兩 條芩十兩

壳砂六兩

共為細末煉蜜為丸如桐子大

勝金丹

專治婦人經水不調或前或後淡色如米泔或連月不行或行經腹痛腹中癥瘕血塊及胎前產後一切諸症並皆治之亦子宮虛冷久患赤白帶下腰酸腿疼或不能作孕或孕而不堅宜服此丸自然宮煖經調必然作孕真坤道之妙藥也每服一丸溫黃酒白

滾水任下

當歸四兩 白芍三兩 川芎四兩 熟地四兩

白 薇 三兩 白 朮 三兩 茯 苓 三兩 甘 草 二兩
白 芷 四兩 沒 藥 二兩 丹 參 六兩 黨 參 四兩
共為細末煉蜜為丸重三錢

滋陰至寶丸

治婦女諸虛百損五勞七傷經脈不調肢體黃瘦此
藥專調經水滋血脈補虛勞扶元氣健脾胃養心肺
潤咽喉清頭目定心慌安神魄退潮熱除骨蒸止喘

嗽化痰涎收盜汗開鬱氣利胸膈療腹疼解煩渴散
寒熱大有奇功每服二錢臨臥滾白水送下忌氣惱
勞碌

銀柴胡 二兩 骨 皮 四兩 熟 地 六兩 酒 白 芍 二兩
川 芎 二兩 當 歸 三兩 杜 仲 三兩 益 母 三兩
香 附 四兩 茯 神 二兩 川 斷 二兩 菴 朮 二兩
牛 膝 二兩 丹 參 二兩 黨 參 四兩 肉 桂 一兩

紅花一兩 炙草一兩

共為細末煉蜜為丸如桐子大

益母草膏

此藥治氣血不和經脈不調能養血安胎產後寒惡露不盡臍腹疼痛胸膈滿悶頭目眩昏或榮衛虛損去瘀生新每用三錢黃酒調服

益母草十觔當歸

四兩

白芍

四兩

川芎

三兩

生地四兩

共煎為膏白蜜收之

養血安胎丸

安胎以養血為主血和則胎自固血氣不調而胎氣不安也此丸安胎養血補虛清熱更能內消胎毒他日痘疹稀疏母子咸受其益真乃安胎之聖藥也每服二錢早晚滾白水送下

當歸八兩白芍四兩川芎三兩熟地四兩
益母草八兩壳砂四兩条苓二兩阿膠四兩
炙甘草二兩祁艾四兩荆穗三兩
共為細末煉蜜為小丸

婦科烏金丸

凡婦女思慮太過氣惱相冲變生多端失於調理元氣未復七情六慾所傷而為氣血兩虛之症余修合

此藥能溫煖子宮除五心煩熱理脾養氣行氣和血調經收帶廣育多男之聖藥也宜常服之大有奇效每服二三錢空心溫黃酒白滾水任下

紅花二兩荷葉一兩草霜二兩烏藥二兩
紫金皮二兩乳香五錢沒藥五錢香附二兩
甘草五錢當歸二兩白芍二兩茯苓一兩
赤苓一兩玄胡一兩青黛一兩

共為細末水法為丸如桐子大

千金止帶丸

坤道之症血海空虛子宮受寒及無孕育斷續不產
屢經胎墜上熱下冷百病滋生元氣漸傷月水自然
不對腰腹脹疼日久變成赤白帶下或米泔豆汁魚
腦血塊淋漓不止或血漏山崩或產後失調路廁太
早久坐濕地涼風透入月水正行過食生冷傷動胞

絡陰陽不和上焦陽虛壅燥下部邪冷結伏致胎孕
不成飲食減少下部如冰脚膝疼痛舉動少力並皆
服之此藥大補血氣健脾胃溫煖子宮清熱除濕
有調經收帶之妙毓麟種子之功每服二錢早晚二
服溫黃酒醋湯任下

黨	參	四兩	酒	栢	一兩	白	朮	四兩	半	夏	一兩
茯苓	四兩	祁	艾	三兩	肉	桂	二兩	當	歸	四兩	

川芎三兩 白芍三兩 蒼朮一兩 熟地四兩
萸肉四兩 龍骨二兩 巴戟四兩 香附四兩
石脂二兩 阿膠二兩 黃芪四兩 牡蠣四兩
椿皮四兩 川斷三兩 杜仲三兩 山藥二兩

共為細面煉蜜為丸如桐子大

百補濟陰丸

一名金匱種子丸 一名婦女地黄丸 此藥養血補氣

健脾胃煖子宮 滋腎調經 養肝潤肺 清虛火 退潮熱
理三焦 調五臟 強健步 久服種子 凡婦女諸虛百損
腰痛耳鳴 瘦弱面黃 盜汗發熱 勞嗽痰血 經脈不調
血衰不成孕育等症 皆可服之 每服三錢 空心白開
水送下 忌氣腦

茯苓三錢 白朮二兩 廣皮三兩 半夏二兩
當歸三兩 川芎三兩 白芍四兩 熟地四兩

香附四兩 益母四兩 阿膠三兩 祁艾三兩
条芩二兩 麥冬二兩 丹皮二兩 川斷二兩
沒藥二兩 茴香一兩 萸荑莢一兩 元胡一兩
炙草六錢

共為細末煉蜜為丸如桐子大

當歸內補丸

大凡婦科胎病經病多起於氣血兩虛或素憂思氣

惱傷肝飲食不節傷脾思慮隱怒結鬱中脘或產後失調或血山崩漏以致榮衛大傷自然血弱肝邪旺盛胃氣受虧耗損真元所以胎滑小產赤白帶下或經水將行凝滯肚疼腹脹嘔吐心跳頭眩腰疼發熱或日期前後偏多偏少斷經之後淋瀝不止或室女經候當行不行皆由月水愆期衛任大損之故也久服此藥自有立驗之功每服三錢臨卧淡棗湯送下

黨參四兩 黃芪四兩 白朮四兩 白芍四兩
當歸三兩 川芎二兩 熟地四兩 川斷三兩
益母四兩 干姜一兩五錢 阿膠二兩五錢 味二兩
木香五錢 甘草五錢

共為細末練蜜為丸如桐子大

通經甘露丸

凡婦人經脈不通必先調經氣塊血塊凝結不散小

腹疼痛兩脇脹滿以致崩漏腸風赤白帶下血風五
淋產後積血瘀滯疼痛及癥瘕諸疾並骨蒸勞熱等
症夫婦陰血陽精不交成疾並治效每服二錢餘病
輕重加減用之空心溫黃酒送下忌氣惱等事

川大黃五兩 紅花四兩 取汁浸一日曬乾次用童
便入鹽四兩浸一日煮酒十觔浸一日其大黃切片
曬干入巴豆抄炒將巴豆揀去再入木香二兩百草

霜十兩共為末以當歸一觔醋二觔紅花水五大碗
拌均為度曬乾共為細面米飲水湯法為水丸如梧
桐子大

十珍香附丸

凡婦人之中經水不調多因鬱結之氣凝於中脘不
得舒暢飲食不節胃氣受虧飲食傷脾耗損元氣榮
衛不生以致氣血兩虛頭目眩暈四肢無力增寒發

熱咳嗽痰喘飲食不思口苦惡心腹脇脹滿腰腿疼
痛經水不調或前或後或多或少赤白帶下或經閉
不通或氣沖血海變為崩漏之症此藥能行氣和血
逐瘀生新久服大有奇效每服二錢空心鹽湯溫黃
酒任下

香附十四兩白朮四兩黨參四兩生地八兩
茯苓二兩天冬二兩甘草一兩川芎三兩

玄胡一兩五錢當歸四兩阿膠二兩陳皮二兩
白芍四兩砂仁一兩五錢益母草四兩山黃二兩
熟地四兩棗仁二兩芥苓一兩五錢

共研細末煉蜜為丸如桐子大

四製香附丸

治婦人經脈不調崩漏帶下經閉不通氣塊血塊小
肚疼痛脇肋滿脹胸膈阻塞嘔吐惡心並皆治之此

藥安胎種子滋血脈補虛損扶元氣健脾胃進飲食
止嘔吐消脹滿除骨蒸開鬱結利胸膈止咳嗽化痰
涎及胎前產後諸症皆可服之每服三錢冬月溫黃
酒送下滾白水亦可

香附子八兩白朮三兩祁艾四兩生地六兩
當歸四兩白芍四兩澤蘭四兩炙草二兩
川芎四兩陳皮三兩

共為細末水法為丸如桐子大

下乳湧泉散

婦人乳汁乃血所化有經絡閉澀不通者或乳少不足用者或乳全然不通者俱用此藥早晚三錢用七星猪蹄煎湯調服或用黃酒調服亦可

生地二兩 青皮五錢 木通一兩 漏蘆一兩
桂心四兩 花粉二兩 當歸二兩 川芎一兩
五錢

柴胡二兩 白芷五錢 連翹五錢 白芍一兩
通草一兩 桔梗一兩 甘草一兩 王不留六兩
兒刺一兩 蒲公英五錢 川山甲一兩

共為細面

八珍益母丸

夫人之身以氣血為主氣血平和則百病不生大凡婦人月事不調胎前產後氣血兩虛則生諸病焉種

種不一此丸專治婦人氣血不調諸虛百損久不受
孕胎前產後一切勞弱等症並皆治之無不神效每
服一九早晚用白滾水送下溫黃酒亦可忌氣腦生
冷厚味
益母草一觔 砂仁二兩 川芎二兩 黨參四兩
木香一兩 白芍二兩 茯苓三兩 當歸四兩
熟地八兩 白朮四兩

共為細末煉蜜為丸重三錢

艾附煖宮丸

專治婦女百病氣血不和經候失期行經作痛胸膈
脹滿腰疼耳鳴午後潮熱夜臥虛煩盜汗骨蒸赤白
帶下傷脾崩漏失血以致肝經有虧子宮虛冷久不
成孕或孕育多生或胎產傷血或氣滯傷脾四肢倦
困頭目眩暈肌肉消瘦骨節酸疼變為勞瘵一切氣
勝血虛等症皆可服之每服二錢早晚各進一服白

滾水送下

祁艾八兩川

芎^{一兩五錢}紅

花^{一兩}香

附八兩

白芍^{一兩五錢}元

胡^{一兩}當

歸^{四兩}牛

膝^{一兩五錢}

肉桂^{五錢}熟

地^{四兩}

共為細末煉蜜為丸如桐子大

內補養榮丸

治婦人諸虛百損血海虛敗頭目昏眩面色痿黃經

候愆期赤白帶下腰痛耳鳴四肢無力子宮虛弱不

成孕育及胎前產後諸虛百損之症皆可服之每服

三錢空心龍眼湯或黃酒滾白水任下

當歸十兩白

芍^{六兩}白

朮^{十兩}益

母^{十兩}

香附^{二兩}熟

地^{十六兩}茯

苓^{六兩}陳

皮^{八兩}

黃芪^{八兩}杜

仲^{二兩}川

芎^{四兩}阿

膠^{八兩}

甘草^{二兩}祁

艾^{四兩}砂

仁^{四兩}

共為細末煉蜜為丸如桐子大

調經丸

凡婦人經候以如期為要經調則百病不生或先期而行或過期而行前後無準或紫血成塊來而腹疼或淡而血少經閉不通或崩漏不止帶下白淫不懷孕育此皆經候不調之症也此藥專主調經久服種子每服三錢空心溫黃酒白滾水任下

黨參 四兩 肉桂 三兩 當歸 四兩 川芎 三兩

熟地 四兩 香附 八兩 元胡 六兩 祁艾 四兩

茯苓 四兩 砂仁 四兩 益母 八兩 丹參 三兩

白芍 四兩 牛膝 三兩 紅花 二兩

共為細面煉蜜為丸如梧桐子大

安胎益母丸

專治孕婦胎動不安吐逆眩暈腰酸腹疼漏血半產

臨產艱難惡漏不盡臍腹刺痛兒枕不消寒熱惡心
等症每服一丸胎前溫黃酒或參湯或酸醋湯送下
臨產之候用童便送下

盆	母六兩	砂	仁一兩五錢	阿	膠六兩	川	芎二兩五錢
當	歸六兩	廣	皮三兩	香	附六兩	熟	地十二兩
祁	艾三兩	条	芩四兩	白	朮八兩	川	斷六兩
杜	仲六兩						

共為細末煉蜜為丸重二錢五分

千金保胎膏

此膏治妊娠脾胃虛弱氣血不足子宮寒冷諸虛百
損時常見血屢經小產諸藥無功用此膏保固胎元
充實血海安胎種子此膏貼在臍上功效非常

當	歸三錢	白	芍二錢	川	芎一錢五分	熟	地三錢
益	母五錢	元	胡一錢五分	寄	生一錢五分	蒲	黃二錢

壳 砂二錢 祁 艾二錢 白 朮一錢 阿膠三錢

香 附三錢 黃 芪三錢 桑 苓三錢 炙 草一錢 參

肉 桂二錢 附 子二錢 五分

用香油四斤將羣藥煎枯色為度後入黃丹二斤收之

催生兔腦丸

夫婦人乃衆陰所集以血為本內經有云一曰二七

而天癸至謂天一生水也二曰妊脈通謂陰用之道泰也三曰太衝脈盛謂血氣俱盛也故月事以時上下交感則有子矣自受孕以來懷足十月胎前之道最宜謹慎惟產育之際乃安危所係之候大有關鏡豈可輕忽余製腦兔丸催生要藥專治妊娠之婦產育艱難或因坐草太早或因努力太過或橫逆不下或連日不生服之順胎易產不傷小兒且保身體大

人全安凡產育臨盆見生陣之時即服一九長流滾水送下切勿用早恐過藥也

乳香 二兩 沒藥 二兩 母丁香 二兩 麝香 一錢
荆穗 五錢

共為細面臘月初八日用活兔腦漿為丸

回生丸

專治妊婦失宜勞役動胎或胎漏不安子宮虛冷久

不成胎或痿燥不長過期不產日月雖滿動轉無力或致損墜產時未致惡露先行胞絡槁燥致令臨產困悶連日不產子死腹中腹上冰冷口唇紫黑惡露上攻昏迷不省喘逆汗出及血未盡臍腹冷痛寒熱往來或因產勞虛損身羸面黃體瘦心怯盜汗飲食不進漸成勞瘵臨產常服壯氣養胎易生順產滋陰養血調和陰陽蜜腠理實臟腑閉門寶鑑經驗醫方

治妊娠胎前產後崩漏^帶下併治室女經閉月水不調
失音不語或痢疾腹痛或百節酸痛或咳嗽寒熱往
來又產後兒枕疼痛或子死腹中橫生逆產或胎衣
不下凝痛產後瘀血積泄敗流入臟腑經絡之中變
症多端但用此藥百發百中萬無一失每服一九用
熟黃酒頓化通口服之一產後傷寒頭痛身熱無汗
用葱姜加桂枝三分煎湯頓化服之一產後無乳加

蘇黃三分煎湯頓化服之產後傷風頭痛身熱有汗用葱姜加

天花粉當歸尾^{炒山甲}連黃各三分入酒內滾熟用酒沖化
一丸不拘時服令乳母將乳頭擦千餘轉其乳自出
大黃一斤研細面為君蘇木三兩用河水五大碗煎
汁三碗紅花三兩炒黃酒五碗煎汁三碗

陳黃

當歸一兩川芎一兩熟地一兩茯苓一兩
烏藥一兩桃仁一兩廣皮一兩蒼朮一兩
香附一兩玄胡一兩蒲黃一兩牛膝一兩五錢

三稜五錢 川 羌五錢 靈 脂五錢 地 榆五錢
山 萸五錢 人 參三錢 白 朮三錢 青 皮三錢
木 瓜三錢 乳 香二錢 沒 藥二錢 白 芍五錢
炙 草五錢 茜 草一兩五錢 澤 泄三兩

右藥共為細面先以好醋三斤入大黃面再將
蘇木紅花黑豆三汁熬大黃膏後入藥面和勻
成丸重三錢

坤 順 丸

此藥專治婦人經脈不調月事參差有餘不足胎前
產後諸虛百損一切百病屢經屢驗有起死回生之
功不可輕視妙難盡述每服一丸隨症用引 一經
水先期而行知母白芍湯下 一經水過期而行當
歸地黃湯下 一行經腰腿疼痛防風羌活湯下
一經閉不通桃仁紅花當歸湯下 一赤白帶下阿

膠艾葉湯下一胎動不安白朮条芩湯下一胎漏
帶下血阿膠湯下一胎前臍腹痛香附湯下
一胎前下血不止炒荆芥炒蒲黃湯下一臨產之
前預服三五丸溫酒下以防產後諸症一臨產艱
難天葵子湯下一頭胎交骨不開龜板湯下一
胎衣不下童便老酒下一橫生逆產子死腹中炒
鹽湯下一產後惡露不行臍腹痛童便益母草

湯下一產後中風牙關緊閉半身不遂妄失言語
童便老酒下一乳痛蒲公英銀花湯下一遍身
疼痛秦艽湯下服藥之後忌煎炒油膩厚味生冷氣
惱勞碌

人參五錢益母草六錢白芍五錢蘇葉五錢
當歸五錢川芎五錢阿膠五錢琥珀五錢
木香四錢砂仁四錢香附五錢生地五錢

熟地八錢 甘草三錢 條芩五錢 橘紅五錢
烏藥一兩 雲苓一兩 白朮一兩 沉香一兩
牛膝五錢

共為細末煉蜜為丸每丸重二錢硃砂為衣蠟皮封固

佛手開骨散

凡婦女生育乃安危所係豈宜輕忽皆緣妊婦失宜

於素日以致產育艱難或因努力太過交骨不開以致橫生不下或連日不生必須胎順保全大人為主及產後敗血相冲變症多端急服此藥百發百中真千金不易之良方也每服三錢用煮東酒下

當歸六兩 川芎四兩 龜板四兩 血餘二兩

東葵子一兩 只壳一兩

共為細面

加味道遙丸

專治男婦血虛肝燥骨蒸勞熱咳嗽潮熱往來寒熱口干便澀並治婦女月經不調赤白帶下胸膈脹滿四肢倦怠飲食無味氣鬱痰喘嘔吐酸水及一切怒氣傷肝血少目昏等症每服二三錢淡姜湯送下

當歸^{一斤四兩}白朮^{一斤四兩}廣皮^{八兩}白芍^{十五兩}

炒梔^{十兩}柴胡^{十五兩}雲苓^{十五兩}丹皮^{十三兩}

香附^{八兩}炙草^{八兩}

共為細面姜棗煎湯法為丸薄荷面為衣

胎產金丹

此丹乃異人傳授專治胎前產後一切疑難危急諸症百發百中真有起死回生之功雖千金不易故名胎產金丹每服一丸隨症調引一臨產米湯化服一丸助精神壯氣力易於分娩一產後童便煮東

酒化服一丸神清體健無血昏血迷悶亂之患 一
行經後當歸湯化服三五丸自然受孕安穩 一懷
孕之後每月白朮芍藥湯化服三五丸其胎堅固易
長 一屢經小產不受孕育當歸熟地湯化服數丸
永無墜胎之患 一胎動不安白蓮花辦湯化服
一勞役墜損小黃米湯化服 一胎漏下血藕節
灰湯化服 一妊娠脾胃虛弱中氣不足人參湯化

服 一妊娠赤帶紅雞冠花煎湯化服白帶白雞冠
花煎湯化服 一妊娠腹滿腰腿疼痛桑寄生湯化
服 一產後兒枕作痛山楂煮東酒黑糖湯化服
一橫生逆產子死腹中當歸川芎湯化服 一色衣
不下紅花益母草湯化服 一頭胎交骨不開龜板
湯化服 一妊娠婦四肢腫浮桑皮湯化服其餘月
事參差有餘不足諸虛百損癥瘕積聚干血勞傷子

宮虛冷一切婦女百病俱用煮東酒化服

人參八錢 益母草二兩 河車一具 當歸二兩 四錢

雲苓二兩 生地四兩 白薇二兩 元胡二兩 六錢

肉桂二兩 錢藁本二兩 祁艾二兩 甘草一兩

石脂二兩 川芎二兩 丹皮二兩 香附四兩

青蒿二兩 沉香一兩 沒藥六錢 龜甲四兩

五味子一兩 白朮二兩

共為細末煉蜜為丸重二錢砂硃為衣蠟皮封固

秘製八珍益母丸

治婦人諸虛百損五勞七傷胎前產後崩漏不止赤白帶下宜服此丸 諸虛百損五勞七傷圓眼湯下

胎動不安 參芩白朮湯下 臨產艱難或色衣不下 炮姜湯送下 產後血暈童便送下 產後下血

過多當歸川芎湯送下 產後惡露不行胸膈發脹

兒枕作痛紅花桃仁湯送下 崩漏不止阿膠妙艾湯送下 赤白帶下白朮當歸

湯送下此藥治症最多其效非常真乃婦人胎前產後至寶也

益母草二兩當歸一兩川芎一兩白芍一兩

熟地一兩香附一兩木香五錢砂仁五錢

元胡五錢蒲黃五錢阿膠五錢白朮五錢

條芩五錢人參四錢棗仁二兩

共為細末煉蜜為丸重一錢蠟皮封固

產後烏金丸

此丸專治婦人百病除懷胎不服外臨產服一丸即能催生並治產後諸症久不受孕赤白帶下月水不調子死腹中橫生逆產胎衣不下產後失血言語恍惚或口干煩悶潮熱頭疼及小便不通兩脇脹滿身

面浮腫半身不遂角弓反張骨節酸疼血塊作痛服之立驗每用無灰黃酒送下

熟軍五錢 香附五錢 益母五錢 當歸一兩

川芎五錢 白芍六錢 廣皮四錢 寄生奴五錢

肉桂五錢 祁艾五錢 三稜五錢 莪朮五錢

干姜五錢 蒼朮五錢 生蒲黃五錢 紅花四錢

砂仁四錢 木香四錢 熟地五錢 蘇木三錢

共為細末煉蜜為丸重一錢蠟皮封固

產後益母丸

專治產後頭暈眼黑耳鳴敗潰去血過多或惡露不行臍腹疼痛或榮衛虛損過食生冷停滯不化或中風傷寒頭疼口苦遍身拘痛及七情相干以致發熱惡寒自汗口干心煩咳嗽兩脇脹悶飲食少進並皆治之每服一二丸溫黃酒送下姜湯亦可此藥大能

均氣和血產後諸般雜症甚有奇效

當歸四兩熟地八兩紅花二兩白芍四兩

炮姜二兩桃仁二兩川芎四兩肉桂二兩

澤蘭五兩益母五兩甘草二兩

共為細面煉蜜為丸重三錢

孕婦金花丸

孕婦之病諸藥有妨胎氣如孕婦風火上攻口干鼻

塞頭疼咳嗽眼目紅腫迎風流淚痰涎壅盛頭目暈

眩鼻流清涕等症諸藥忌服惟此藥保胎止嗽清火

明目真孕婦清火
之聖藥也每服二錢淡姜湯送下

梔子四兩黃柏二兩白芍三兩川芎三兩

黃芩三兩生地四兩黃連一兩當歸四兩

共為細末水法為丸如桐子大

益母丸

專治產後頭暈眼黑耳鳴昏潰去血過多或惡露不行
臍腹疼痛或榮衛虛損過食生冷停滯不化或中風
傷寒頭疼口苦遍身拘痛及七情相干以致發熱惡
寒自汗口干心煩喘咳兩脇脹悶飲食少進並皆治
之每服一丸溫酒化服姜湯亦可大能均氣和血產
後諸般雜症甚有功效

益母

一斤半當

歸

十二兩

芍

六兩

川

熟

地十二兩

共為細末煉蜜為丸重二錢

婦科五淋丸

治婦人小水澀滯渾濁壅塞赤腫淋漓疼痛難忍或
如精隨或如砂石逢溺痛如刀割者服此藥能疎利
下元宣通水道每服三錢滾白水送下

當歸

四兩

木通

二兩

甘草

二兩

川芎

三兩

海金沙

五錢

滑石

二兩

白芍

二兩

石韋

一兩

川

連一兩生地四兩梔子二兩

共為細面水法為丸如桐子大

